



Partii Naleqqamit Inatsisartunut ilaasortaq, Hans Enoksen
Inatsisartut Allattoqarfiat
Maani/

Nuummiit suliffeqarfinnik aaqqissuussaasumillu ingerlatanik nuussisinnaaneq pillugu § 37 naapertorlugu apeqqummut nr. 2019/106-imut akissut.

Allakkap ullua: 07-03-2019
Suliap nr.: 2019-5923

Asasara Hans Enoksen

Nuummiit suliffeqarfinnik aaqqissuussaasumillu ingerlatanik nuussisinnaaneq pillugu Inatsisartut suleriaasianni § 37 naapertorlugu Naalakkersuisunut apeqquteqarputit. Apeqqutigisatit uannit akisassanngortinneqarsimapput.

P O Box 1037
3900 Nuuk
Oqa. (+299) 34 50 00
Naqitanik nassisigasuuaat
(+299) 34 63 50
E-mail: oed@nanoq.gl
www.naalakkersuisut.gl

Apeqqutigineqartut ima oqaasertaqarput:

- 1. Suliffeqarfiit, ilinniarfiit, allallu inuiaqatigiit pigisaat, partii Siumut siuttuutillugu sineriammut siammarternissaannut pilersaarutigineqartuartarsimapput. Naalakkersuisut tamanna politikki suli ingerlappaat, sumullu killiffeqarpa? Politikkilu tamanna allanngorsimappat, allanngorneranut patsisigineqartut politikikkut nassuaateqquneqarput.**

Akissut.

Qinigaaffimmi uani naalakkersuisooqatigiinnissamik isumaqatigiissut Naalakkersuisut ingerlariarnerminni politikkiminnut, kiisalu inatsisartoqarnermi politikkip taassuma piviusunngortinnissaanut periarfissat aallaavigaat, ilaatigut Inatsisartuni Aningaasat pillugit Inatsisip ukiumoortumik akuersissutigineqarnerani pisariaqartumik tulleriarinerit ilaannik piviusunngortitsinerni periarfissanut ilaatillugit.

Naalakkersuisooqatigiinnissamut isumaqatigiissut imaluunniit aningaasanut inatsimmut isumaqatigiissutaasup Inatsisartuni amerlanerussuteqarluartut tunuliaqutsigaata, Nuummiit suliffeqarfiit oqartussaaffiillu nuunneqarnissaat tulleriarinerimi nalinginnaasumik anguniakkanut ilaangilaq.

Piffissap ilaani suliffeqarfimmik imaluunniit atorfeqarfimmik nuussisoqassappat, tamatumunnga pisuni ataasiakkaani tamani isumannaatsumik aalajangernissamut isummernissamut tunngavissiamik aallaaveqarluni aalajangersimasumik aalajangiineq naatsorsuutigineqartariaqarpoq.

Tassunga atatillugu Saviminilerinermik Ilinniarfiup Sisimiunut nuunneqarsinnaanera pillugu § 37, nr. 2019/2, naapertorlugu apeqquummut Naalakkersuisut akissutaannut ilaasup suliap ingerlaneqarnissaanut allaatiginnissimaneq aamma innersuussutigineqassaaq.

Eqikkarlugit taamaalilluni oqaatigineqarsinnaavoq, apeqqutip taamaattup qaqinneqarnissaanut pissusissamisoortumik pissutissaqalerpat, nuutitsisoqassanersoq apeqquummut isummernissaq Naalakkersuisut kissaatigigaat. Tamanna assersuutigalugu Saviminilerinermik Ilinniarfiup matuma siuliani assersuutigineqarnerani pivoq. Tamanna pillugu isummernissaq ataasiakkaatigut, kinaassusersiunngitsumik nalilersuinermi pisuni ataasiakkaani pisassaaq.

Naalakkersuisut politikkeritik qanoq annertutigisumik allanngortissimaneeraat pillugu apeqqutip akinissaanut pineqartut pillugit § 37 naapertorlugu apeqqutip akineranut tunngaviusunut ilaasut Naalakkersuisut isumaqanngillat, taamaassappallu tassunga tunngaviusoq nassuiarlugu, soorunamilu Inatsisartuni matumani ilanngullugit partiit assigiinngitsut tamanna pillugu isumaat tamat tikillugit nassuiarneqartariaqarpoq.

- 2. Naalakkersuisut tapertaasalu suliffeqarfiit, ilinniarfeqarfiit, allallu inuiaqatigiit pigisaat sinerissamut siammarternissaannut pissusissamisoortutut isigaat?
Akineqartillugu patisigisat taakkartoqquneqarput, Naalakkersuisullu anguniagaat tapertaanut assigiinngissuteqarpat itisileqquneqarpoq.**

Akissut.

Takuuk apeqqut 1-imut akissut.

- 3. Naalakkersuisut, Naalakkersuisooqataanissamut isumaqatigiinnikut siulianut sanilliullugit, suut sinerissamut suliffeqarfiit, ilinniarfeqarfiit allallu pilersaarutit allanngortinneqarpat?
Taamaatiinnartoqarsimappat, kinguartoqarsimappat, allanngortoqarsimappat Naalakkersuisut politikkitigut tunngavilersueqquneqarput.**

Akissut.

Takuuk apeqqut 1-imut akissut.

Apeqqutinut saqqummiunneqartunut allanik oqaaseqaatissaqanngilanga.

Inussiarnersumik inuulluaqqusillunga


Vittus Qujaukitsoq